

Agárámá na Ajaáyó

Ɖoo bujóó né, a bánýaá nyiméere tóó, Agárámá ge nyimedooó, Agárámá waabaná kíndóó nyiméere bídekée na amouzé. Wíre bujóó né ge boobóó larú, boobóó larú né ngú Agárámá mínyí ulé uróózi sístí idánbuzi toózi. Nge baamá nimíni, larú kina nge kugbóó kiri-kiri kiri-kiri kiri-kiri kiri-kiri; tóó, Ajaáyóó wooyúú katulí sístí Agárámá nyí tóówu tóó né, nge kaajáa foyóó kaḍu kedée furuú-daá kaqadínée Agárámá-wóró. Budástí né, Weluú ceení waagága falala, falala, falala, falala, falala nge Agárámá wóonókí Weluú nyiméere péb, Weluú waazála ge Ajaáyóó waanyúú ukurú, nge wóogbóó níbááwu kiriri kiriri kiriri, nge Ajaáyóó waadúu foyóó inóó-daá:

Agorogodígo agorogodígo mójyóóná
Agorogodígo agorogodígo mójyóóná
Fanańbóní ulé fanańbóní ulé mójyóóná
Fanańbóní ulé fanańbóní ulé mójyóóná...

Ajaáyóó wánvulúú ku foyóó bílé. Budástí né uráa waaya bosúu, baaján batála né, sístí weení wóogóóóná, weení wóogóóóná, nge sístí ééé, dǵédée níba íkóbóózi bílé, weení waawulóná foyóó sístí Ajaáyóó, aán, Ajaáyóó tuná! Ajaáyóó tuná! Bika Agárámá íbá kízińéé sístí umú wóogóóóná, nge uráa sístí aayí, Agárámá nkalá bílé, Ajaáyóó-dée foyóó ge dǵáánúńgánu, becéle Ajaáyóó, nge boogbóó fanań becéle Ajaáyóó. Kiivé dḍḍ bujóó wé náádoozo, wé lube wíre boodóóóm larú dḍḍ.

Budástí né ge Koluú waagálu kukuru kukuru kukuru nge Agárámá wóonókí Koluú nyimé, idán yi, idán yi, nge Ajaáyóó waamá foyóó dḍḍ

Agorogodígo agorogodígo mójyóóná
Agorogodígo agorogodígo mójyóóná
Fanańbóní ulé fanańbóní ulé mójyóóná
Fanańbóní ulé fanańbóní ulé mójyóóná...

Nge sístí aayí, íkatánboozí, íkatánboozí Ajaáyóó ge, Ajaáyóó ge. Nge Agárámá wóogóni kitála né, sístí Ajaáyóó kedǵee-wóró mójyóóó Weluú nyéélee, sinje dḍḍ mójyóóówú Koluú nyóndokpówú! Nge Ajaáyóó sístí oo, mój máduná! Nyáduná wé, nge Agárámá waalzi tóówu kílo, a toovonúm nyáduná fele médeé tóówu-roozí.

Nge Ajaáyóó sístí aacóó, we ge bínýám, mój ménéveyí, mój ménéveyí. Nge kaanyáa kosúu dǵ, kanyáa kosúu dǵ sístí aayí, báa máányáa mozúu mój máduná, nge weedésélí. Nna ge Agárámá sístí túúlóóyóó kana, nńíní ge mánlám na moyuú ke, nge Agárámá weedǵee kíkpa cóózi kunyára tóko. Kiivé wé náádoozo wíre dǵéyí-dǵéyí-dǵéyí né ge baamá só: kédé kédé kédé kédé sístí kediiiziya kúbónbóníga we bókoní.

Sáátí wenkí boogbóó béndǵéé né, nna ge Agárámá-dée tóko waadulú kínoó-daá:

Báyaa dǵaa nńééńmé báyaa dǵaa nńééńmé
Báyaa dǵaa nńééńmé Wúro-dée nńééńmé

Ɖóógóni wé ñméeshémé dɔ́lá faawú ñméeshémé...

Éé, le ge bínlám bulé, le ge bínlám bulé, dǎdée ńba Agárámá-dée tóko wánlám ku bulé, óo, Agárámá íbá igée urú fáya ńní ge. ́Nna ge Ajaáyóó wɔ́ɔdó Agárámá sɪsɪ nyóó nyámɔ́ona nzúu kɪna? Nge Agárámá sɪsɪ wóo, tóko án, ndónyúú kɪ nzúu, ndónyúú kɪ nzúu, nge Ajaáyóó sɪsɪ óó, mónzuú kɪ. Nge Agárámá woobó kɪcáa tóroyóó kɪkɔ́ná kɪsɪ nge sɪsɪ a nyóóɔ́lée nyúú módóko kɪna, asée liideé wónzúú tóroyóó kana, amá a dǎ nyóóɔ́nǎ liideé bisu tóroyóó kana, médée tóko nyónyúúu kɪ. ́Nna ge Ajaáyóó sɪsɪ we ge bányaá bulé, nge, liideé ríŋa kaaya né, kɔ́ɔɔnǎ kaɔu tóroyóó-daá, kɔ́ɔɔbóo kedée kídjím kayá, fěéni kayá, namíni kayá, kelimbé, bɪgbedína kedée bíya na aláa ɪkpóó liideé ɪkɔ́nǎ ɪɔu tóroyóó-daá, nge Agárámá wɔ́ɔgbóo tóko icéle yi. Weejéle yi né ge weevéeri yi sɪsɪ wóo, nyáánǎ médée tóko kɪna yáa, ɪsɪ ɪn, kɪwená sóózi yoo, kídee sóózi ge kíɔ́nǎɔ́ dɪvaazɪe.

Bugbedí sɪ butásɪ bulá nyazi irodúu né, Kɔ́mandǎn wɔ́ɔɔgóni wúro-dée, bulé bidée sáátɪ-daá né badánzu urú kíkpádú Kɔ́mandǎn, anasáarawá ge. Aayí, Kɔ́mandǎn wɔ́ɔɔgóni, nge sɪsɪ báa weení ɪkɔ́nǎ bááre. ́Nna ge Ajaáyóó sɪsɪ mósó médée tóko weé, mósó ge baaró! Nge Ajaáyóó weegézélí kedée tóko kakábírɪsɪ, kɔ́cɔ́o bikpiirinǎ ke. ɪráa ríŋa wónzúú naaní ge Ajaáyóó waagálu, nge tóko waadulú kɪnɔ́o-daá:

Báyaa dǎa ñméeshémé báyaa dǎa ñméeshémé

Báyaa dǎa ñméeshémé Wúro-dée ñméeshémé

Kɔ́mandǎn wɔ́ɔɔgóni né ñméeshémé

Ɖána awé ñméeshémé.....

́Nna ge báa weení waazúu Ajaáyóó ɔ́arí: boro-bóro, boro-bóro, boro-bóro, aayí, nyáálǎ tumére, nyáálǎ tumére, nge anasáara sɪsɪ kéyi, ńŋunáa dǎndǎ-dée ɪráa ge dǎó dǎóɔ́lée, nge bɔ́ɔɔnǎ sulúm. Nge Ajaáyóó waabá kɔ́nyóó sulúm dǎ pǎa..., Ajaáyóó wɔ́ɔnyóó sulúm kɔ́fóo ge sɪ kɔ́nyóózi kɔ́cɔ́o ńŋunáa dǎ né ge dɪvaazɪe waaya púya, óó, nge cóózi wɔ́ɔgbóo wóo wóo wóo wóo, Ajaáyóó cɔ́o tumbóóló, ɪɔkɔ́dɔ́lɪ kutɔ́lɪsú yoo, weejésti ɪɔ, nge sɪsɪ ɪmá yi ɪmá yi, ɪmá yi, aayí, Ajaáyóó waajǎŋ kaká né pám hálɪ ɔ́aabɔ́ɔɔó-de, lénlé biiyéle Ajaáyóó wɔ́ɔlɔ́o ɔ́aabɔ́ɔɔó-de né, kediiiziya-daá ge bulá ke fээрé ge keeze kakpa ńna bulé yoo. Kɔ́ɔdó sɪsɪ kaagɪlnǎ lóni né, bináábíle Agárámá waawíli sɪsɪ ɪɔakíli naáru lóni.